


სსიპ გამოცდების ეროვნული ცენტრი



ელექტრონული ტენდერის საშუალებით
სასტუმროს მომსახურების შესყიდვა

(CPV 55110000 - სასტუმროში დაბინავებასთან დაკავშირებული მომსახურება;
CPV 55130000 - სასტუმროსთან დაკავშირებული სხვა მომსახურებები)

სავარაუდო ღირებულება – 35080 ლარი

ქ. თბილისი

2012 წელი

სატენდერო დოკუმენტაცია

1. ტექნიკური დავალება.
2. პრეტენდენტის მიერ სისტემაში ასატვირთი დოკუმენტების ნუსხა.
3. სახელმწიფო შესყიდვის შესახებ ხელშეკრულების პროექტი.
4. დანართი №1 ფასების ცხრილი.
5. დანართი №2 რეკვიზიტები.
6. დანართი №3 რეგისტრაციის ფორმა

ტექნიკური დავალება

მიმწოდებელმა 2012 წლის 27 ივნისიდან 19 ივლისის ჩათვლით უნდა უზრუნველყოს სსიპ გამოცდების ეროვნული ცენტრის თანამშრომლების საცხოვრებელში დაბინავებასთან დაკავშირებული მომსახურებით.

ა) მომსახურების გაწევის ადგილი: ქ.გორი

მომსახურების მიწოდების ადგილი	შესაძლო მაქსიმალური კაც/დამეების რაოდენობა	ადგილების საორიენტაციო მაქსიმალური რაოდენობა ერთ დღეში	მათ შორის	
			1 ადგილიანი	2 ადგილიანი
ქ. გორი	877	48	4	22

ბ) შემსყიდველის თანამშრომლების დაბინავების გრაფიკი:

თარიღი	ადგილების (კაც/დამე) საორიენტაციო მაქსიმალური რაოდენობა
27.06.2012	34
28.06.2012	34
29.06.2012	34
30.06.2012	34
1.07.2012	48
2.07.2012	48
3.07.2012	48
4.07.2012	48
5.07.2012	48
6.07.2012	41
7.07.2012	34
8.07.2012	34
9.07.2012	34
10.07.2012	48
11.07.2012	48
12.07.2012	48
13.07.2012	41
14.07.2012	30
15.07.2012	30
16.07.2012	30
17.07.2012	30
18.07.2012	30
19.07.2012	23
ჯამი	877

გ) საცხოვრებელი უნდა იყოს უზრუნველყოფილი სველი წერტილით, ცივი და ცხელი წყლით, 24 საათიანი ელექტრო მომარაგებით. ოთახებში დაცული უნდა იყოს სანიტარული ნორმები.

დ) ოთახები უნდა ლაგდებოდეს ყოველდღე, თეთრეული იცვლებოდეს კვირაში მინიმუმ 2-ჯერ. საცხოვრებელი უზრუნველყოფილი უნდა იყოს სამრეცხაოთი (სარეცხი მანქანა).

ე) 2012 წლის 27 ივნისს მიმწოდებელმა უნდა მოახდინოს ცენტრის თანამშრომლების (შესაძლო მაქსიმალური რაოდენობა 34 ადამიანი) ტრანსპორტირება ქთბილისიდან ქგორამდე საკუთარი ხარჯებით. სატრანსპორტო საშუალებები უნდა იყოს ტექნიკურად გამართული და

მგზავრობისთვის კომფორტული (მგზავრთა უსაფრთხო გადაყვანაზე პასუხისმგებლობა მთლიანად ეკისრება მიმწოდებელს). ისე, რომ ადგილებზე უნდა იყვნენ არაუგვიანეს 15:00 საათისა. თბილისში შეკრების ადგილი სპორტის სასახლის მიმდებარე ტერიტორია.

ვ) მიმწოდებელმა უნდა უზრუნველყოს საგამოცდო დღეებში შემსყიდველის თანამშრომლების გადაყვანა კომფორტაბელური ტრანსპორტით სასტუმროდან საგამოცდო ცენტრამდე (გორის №3 საჯარო სკოლა (დამილახვარის 26)) დილით საგამოცდო ცენტრის მუშაობის დაწყებამდე 1 საათით ადრე, თუ სასტუმროდან საგამოცდო ცენტრამდე მანძილი აღემატება 500 მეტრს.

ზ) მომსახურება თავის მხრივ მოიცავს ცენტრის თანამშრომლების საუზმით უზრუნველყოფას. მენიუ უნდა იცვლებოდეს პერიოდულად. ამასთან მენიუ მინიმუმ უნდა შეიცავდეს:

- რძის ნაწარმი (3 სახეობა);
- ცხელი კერძი (2 სახეობა);
- გარნირი (2 სახეობა);
- ჩაი, ყავა.

თ) მიმწოდებელმა ადგილზე ორგანიზება უნდა გაუკეთოს შემსყიდველის თანამშრომლების ოთახებში განთავსებას.

პრეტენდენტის მიერ სისტემაში ატვირთული სატენდერო წინადადება უნდა შეიცავდეს შემდეგ ინფორმაციას:

- პრეტენდენტის უფლებამოსილი პირის მიერ ხელმოწერილი ფასების ცხრილი დანართი N1-ში მოცემული ფორმით. სატენდერო წინადადების ფასები უნდა მოიცავდეს ამ ტენდერით გათვალისწინებული შესყიდვის ობიექტის სრულყოფილად მიწოდებასთან დაკავშირებულ ყველა ხარჯსა (ტრანსპორტირება, საუზმე) და კანონმდებლობით გათვალისწინებულ გადასახადებს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას;

- შემოთავაზებული განთავსების ადგილების ფოტომასალა (საძინებლების, ოთახების) და ზუსტი მისამართი.

- დამადასტურებელი დოკუმენტი (გასაქირავებელი ფართის (ან სასტუმროს) საკუთრების დამადასტურებელი დოკუმენტი ან იჯარის ხელშეკრულება (შეთანხმება) მესაკუთრესთან), რომ პრეტენდენტი უზრუნველყოფს ცენტრის თანამშრომლების დაბინავებას მის მიერ შემოთავაზებულ საცხოვრებელში 2012 წლის 27 ივნისიდან 19 ივლისის ჩათვლით

- ინფორმაცია სატრანსპორტო საშუალების სახეობისა და ტევადობის შესახებ (2012 წლის 27 ივნისს გასამგზავრებელი ცენტრის თანამშრომლების რაოდენობის შესაბამისად).

- პრეტენდენტის სრულ რეკვიზიტებს დანართი N2-ის შესაბამისად.

1. პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია დამოწმებული უნდა იყოს უფლებამოსილი ან მისი ნდობით აღჭურვილი (სათანადო წესით დამოწმებული მინდობილობის საფუძველზე) პირის ხელმოწერითა და ბეჭდით.

2. სახელმწიფო შესყიდვების ერთიან ელექტრონული სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასის) წარდგენით პრეტენდენტი ავტომატურად გამოხატავს თანხმობას ამ ტენდერით (სატენდერო დოკუმენტაციით) განსაზღვრულ მოთხოვნებზე.

საკვალიფიკაციო მოთხოვნები

1. საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

როგორც იურიდიული, ასევე ფიზიკური პირისათვის:

- ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან

2. არარეზიდენტმა პირმა უნდა წარმოადგინოს შესაბამისი ქვეყნის უფლებამოსილი ორგანოს მიერ გაცემული საკვალიფიკაციო მონაცემების დამადასტურებელი დოკუმენტები, რომელსაც უნდა დაერთოს საქართველოს კანონმდებლობით დადგენილი წესით ქართულ ენაზე შესრულებული თარგმანი.

შენიშვნა: ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს რეზიდენტი პრეტენდენტის შემთხვევაში ეტაპის „წინადადებების მიღება დაწყებულია“ დაწყების შემდეგ, ხოლო არარეზიდენტი პრეტენდენტის შემთხვევაში ეტაპის „წინადადებების მიღება დაწყებულია“ დაწყებამდე არა უგვიანეს ოცდაათი დღისა;

3. პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში ხორციელდება სისტემის გამოყენების გარეშე, საქართველოს კანონმდებლობით დადგენილი ფორმით. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდენს ამ პრეტენდენტის დისკვალიფიკაციას.

4. ელექტრონული გარანტიის (სავარაუდო ღირებულების 1%) მოქმედების ვადა უნდა იყოს არანაკლებ 60 კალენდარული დღე სახელმწიფო შესყიდვის სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპიდან.

ანგარიშსწორების ფორმა და ვადები

1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში, სახელმწიფო ბიუჯეტის სახსრებით.
2. მიმწოდებელთან ანგარიშსწორება განხორციელდება ფაქტიურად (ფაქტიურად გათვული ღამეების) გაწეული მომსახურების შესაბამისად, მიღება-ჩაბარების აქტის, რეგისტრაციის შევსებული ფორმის და შესაბამისი საანგარიშსწორებო დოკუმენტების წარმოდგენიდან 15 სამუშაო დღის განმავლობაში.
3. წინასწარი ანგარიშსწორება არ განიხილება.
4. ხელშეკრულების მოქმედების ვადის ამოწურვის მომენტისათვის არსებული აუთვისებელი/გამოუყენებელი თანხა რჩება შემსყიდველთან და იგი არ წარმოშობს რაიმე დამატებით ვალდებულებებს მიმწოდებლის მიმართ.

ხელშეკრულების შესრულების უზრუნველყოფის საბანკო გარანტია

1. ტენდერში გამოყენებული იქნება ხელშეკრულების უზრუნველყოფის საბანკო გარანტია, ხელშეკრულების საერთო ღირებულების 2%-ის ოდენობით.
2. გარანტიის მოქმედების ვადა 30 კალენდარული დღით უნდა აღემატებოდეს ხელშეკრულების მოქმედების ვადას.

აფიდავიტი

პრეტენდენტი ვალდებულია გაეცნოს და დაეთანხმოს აფიდავიტის პირობებს, რა სახითაც იგი იქნება წარმოდგენილი სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე.

დამატებითი ინფორმაცია

დაინტერესებულ პირებს დამატებითი ინფორმაციის მისაღებად შეუძლიათ მიმართონ სსიპ გამოცდების ეროვნული ცენტრის სატენდერო კომისიის აპარატის წევრს:

- გიორგი უშვერიძეს, ტელ: 599900262 ელ-ფოსტა: ushveridze@naec.ge.

სახელმწიფო შესყიდვების შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარტივებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ხელშეკრულება № სახელმწიფო შესყიდვების შესახებ

ქ.თბილისი

----- 2012 წელი

ერთის მხრივ სსიპ გამოცდების ეროვნული ცენტრი (შემდგომში „შემსყიდველი“) წარმოდგენილი მისი დირექტორის მაია მიმინოშვილის სახით და მეორეს მხრივ, ----- (შემდგომში „შემსრულებელი“) წარმოდგენილი მისი ----- სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, **№SPA** ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში-„ხელშეკრულება“) – შემსყიდველსა და მიწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ –საერთო თანხა, რომელიც უნდა გადაიხადოს შემსყიდველმა შემსრულებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“- კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „შემსრულებელი“ –პირი, რომელიც ახორციელებს მოწოდებას ხელშეკრულების ფარგლებში.
- 1.6. „შესყიდვის ობიექტი“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ – **№SPA** ელექტრონული ტენდერის სატენდერო დოკუმენტაციის ტექნიკური დავალება, დაერთვება ხელშეკრულებას, როგორც მისი განუყოფელი ნაწილი.
- 1.8. „ტექნიკური დოკუმენტაცია“ – მიმწოდებლის მიერ **№SPA** ელექტრონული ტენდერის სატენდერო წინადადებით წარმოდგენილი ტექნიკური დოკუმენტაცია, რომელიც დაერთვება ხელშეკრულებას, როგორც მისი განუყოფელი ნაწილი

მუხლი 2. ხელშეკრულების საგანი

2.1. წინამდებარე ხელშეკრულების საგანს წარმოადგენს (შემდგომში „მომსახურება“) გამარტივებული ელექტრონული ტენდერის სატენდერო წინადადებით წარმოდგენილი ტექნიკური დოკუმენტაციის შესაბამისად, სასტუმროში დაბინავებასთან (CPV 55110000 - სასტუმროში დაბინავებასთან დაკავშირებული მომსახურება; CPV55130000 - სასტუმროსთან დაკავშირებული სხვა მომსახურებები) დაკავშირებული მომსახურება, მიმწოდებლის მიერ წარმოდგენილი ტექნიკური დოკუმენტაცი და ფასების ცხრილი დანართი №1-ის მიხედვით.

მუხლი 3. ხელშეკრულების ღირებულება

3.1. ხელშეკრულების ღირებულება შეადგენს ----- ლარს.

3.2. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ ყველა ხარჯს და საქართველოს კანონმდებლობით გათვალისწინებულ გადასახადებს.

მუხლი 4. ანგარიშსწორების ფორმა და ვადები

4.1. შემსრულებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

4.2. შემსყიდველი ხელშეკრულებით განსაზღვრული თანხის გადახდას განხორციელებს სახელმწიფო ბიუჯეტით გათვალისწინებული სახსრებიდან.

4.3. მიმწოდებელთან ანგარიშსწორება განხორციელდება ფაქტიურად (ფაქტიურად გათვული დამკვეთის) გაწეული მომსახურების შესაბამისად, მიღება-ჩაბარების აქტის, რეგისტრაციის შევსებული ფორმის და შესაბამისი საანგარიშსწორებო დოკუმენტების წარმოდგენიდან 15 სამუშაო დღის განმავლობაში.

4.4. ხელშეკრულების მოქმედების ვადის ამოწურვის მომენტისათვის არსებული აუთვისებელი/გამოუყენებელი თანხა რჩება შემსყიდველთან და იგი არ წარმოშობს რაიმე დამატებით ვალდებულებებს მიმწოდებლის მიმართ.

მუხლი 5. მომსახურების მიღება-ჩაბარების წესი

5.1. მომსახურების გაწევა ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.

მუხლი 6. შესყიდვის ობიექტის მიწოდების ვადები და ადგილი

6.1. მიმწოდებელმა მომსახურების გაწევა უნდა განხორციელოს ტექნიკური დავალების შესაბამისად 2012 წლის 27 ივნისიდან 19 ივლისის ჩათვლით.

6.2. მომსახურების გაწევის ადგილად განისაზღვრა -----.

მუხლი 7. მხარეთა უფლება-მოვალეობანი

7.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.

7.2. შემსყიდველი ვალდებულია:

- ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს შესყიდვის ობიექტის ღირებულება.

7.3. შემსყიდველს უფლება აქვს:

- განხორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.

- შეამოწმოს შესყიდვის ობიექტის ხარისხის შესაბამისობა ხელშეკრულებით გათვალისწინებულ პირობებთან.

7.4. მიმწოდებელი ვალდებულია:

- დაიცვას ხელშეკრულებით გათვალისწინებული ყველა პირობა.

- საკუთარი ხარჯებით უზრუნველყოს ამ ხელშეკრულებით გათვალისწინებული ინსპექტირების შედეგად გამოვლენილი ყველა ნაკლის აღმოფხვრა;

7.5. მიმწოდებელს უფლება აქვს:

- მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

მუხლი 8. ხელშეკრულებით ნაკისრი ვალდებულებების შესრულების ინსპექტირება

8.1. სახელმწიფო შესყიდვის შესახებ ხელშეკრულების შესრულების კონტროლის, გაწეული მომსახურების ხარისხისა და მიწოდების ვადების ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელების, აქტების გაფორმების და სახელმწიფო შესყიდვის

შესახებ ხელშეკრულების პირობების რეგულირების საკითხებში მიმწოდებელთან განახორციელებს შემსყიდველის წარმომადგენელი -----

8.2. იმ შემთხვევაში, თუ მიმწოდებელსა და შემსყიდველი ორგანიზაციის ინსპექტირების კოორდინატორს შორის წარმოიშობა უთანხმოება, იგი უნდა გადაწყდეს შემსყიდველი ორგანიზაციის ხელმძღვანელობისა და მიმწოდებელს შორის განხილვის მეშვეობით, ხოლო ამ გზით საკითხის მოუგვარებლობის შემთხვევაში - სასამართლო წესით.

მუხლი 9. მხარეთა პასუხისმგებლობა ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულების შესრულების ვადის გადაცდენის შემთხვევაში ყოველ დაგვიანებულ დღეზე მიმწოდებელს ეკისრება პირგასამტეხლო ხელშეკრულების ღირებულების 0,2 %-ის ოდენობით. რომლის გადახდა მოხდება მეორე მხარის მიერ წერილობითი მოთხოვნის შემდეგ.

9.2. იმ შემთხვევაში თუ პირგასამტეხლოს ჯამური თანხა მიაღწევს ხელშეკრულების ღირებულების 1%-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს შეწყვეტის მომენტისთვის გადასახდელი პირგასამტეხლოს ანაზღაურება, დამატებით ხელშეკრულების ღირებულების 10% პირგასამტეხლო და არ აუნაზღაუროს მიმწოდებელს შეუსრულებელი ვალდებულების ღირებულება.

9.3. მიმწოდებელი ვალდებულია დაფაროს პირგასამტეხლო არაუგვიანეს შემსყიდველის წერილობითი მოთხოვნიდან 10 (ათი) დღის ვადაში.

9.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

მუხლი 10. ხელშეკრულების შესრულების შეფერხება

10.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმდებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით

მუხლი 11. ფორს-მაჟორი

11.1. ფორს-მაჟორი ნიშნავს მხარეებისთვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და ან მიმწოდებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი;

11.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომელისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

11.3. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ ცალმხრივად შეწყვიტონ ხელშეკრულების მოქმედება.

მუხლი 12. ხელშეკრულებაში ცვლილების შეტანა და ხელშეკრულების შეწყვეტა

- 12.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 12.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 12.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 12.4. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება:
- ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია საქონლის ან მისი ნაწილის მოწოდება;
 - ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება;
 - გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - დ) მიმწოდებლის გაკოტრების შემთხვევაში;
 - ე) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;
 - ვ) საქართველოს კანონმდებლობით გათვალისწინებულ სხვა შემთხვევებში;
- 12.5. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 12.6. მხარე ვალდებულია 12.4. და 12.5 პუნქტებით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით შეატყობინოს მეორე მხარეს.
- 12.7. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.
- 12.8. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

მუხლი 13. ხელშეკრულების შესრულების უზრუნველყოფის გარანტია

- 13.1. ხელშეკრულების შესრულების უზრუნველყოფის გარანტიის მოქმედების ვადა 30 დღით უნდა აღემატებოდეს ხელშეკრულების მე-15 მუხლით განსაზღვრულ ვადას.
- 13.2. ხელშეკრულების შესრულების უზრუნველყოფის მიზნით, შემსრულებლის მიერ წარმოდგენილი ხელშეკრულების ღირებულების 2%-ის ოდენობის შესაბამისი საბანკო გარანტია გამოიყენება ნებისმიერი ზარალის ანაზღაურების მიზნით, რომელიც მიაღდება შემსყიდველს შემსრულებლის მიერ ხელშეკრულების პირობების შეუსრულებლობის ან არასათანადო შესრულების გამო, აგრეთვე შემსყიდველის მიერ ამ ხელშეკრულებით გათვალისწინებული პირგასამტეხლოს ანაზღაურებისათვის.
- 13.3. იმ შემთხვევაში, თუ შემსრულებელი უზრუნველყოფს ხელშეკრულებით ნაკისრი ვალდებულებების სრულად და ჯეროვნად შესრულებას ან ხელშეკრულების მოქმედება შეწყდება შემსრულებლისაგან დამოუკიდებელი მიზეზებით, შემსყიდველი ორგანიზაცია ვალდებულია უზრუნველყოს გარანტიის დაუფონდებელი დაბრუნება.
- 13.4. მიმწოდებლის მიერ ხელშეკრულების შეწყვეტის შემთხვევაში შემსყიდველი იყენებს გარანტიას მისთვის ხელშეკრულების შეწყვეტის შედეგად მიყენებული ზიანის ფარგლებში.

13.5. გარანტია უნდა იყოს უპირობო, კერძოდ: გარანტიით გათვალისწინებული თანხები შემსყიდველმა უნდა მიიღოს ყოველგვარი დამატებითი განმარტებისა და მტკიცებულების წარდგენის გარეშე, პირველი მოთხოვნისთანავე.

მუხლი 14. დავები და მათი გადაწყვეტის წესი

14.1. მხარეთა შორის წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14.2. პირველი ინსტანციის სასამართლოს მიერ მიღებული გადაწყვეტილება უნდა მიექცეს დაუყოვნებლივ აღსასრულებლად.

მუხლი 15. ხელშეკრულების მოქმედების ვადა

ხელშეკრულება ძალაში შედის მხარეების მიერ მისი ხელმოწერის დღიდან და მოქმედებს 2012 წლის 10 აგვისტოს ჩათვლით.

მუხლი 16. სხვა პირობები

16.1. ამ ხელშეკრულებით გათვალისწინებული პირობები რეგულირდება საქართველოს კანონმდებლობით.

16.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

16.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

16.4. ხელშეკრულება შედგენილია ქართულ ენაზე სამ ეგზემპლარად, რომელთაგან თითოეულს აქვს თანაბარი იურიდიული ძალა. ხელშეკრულების ორი ეგზემპლარი ინახება შემსყიდველთან და ერთი ეგზემპლარი მიმწოდებელთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

მუხლი 17. მხარეთა იურიდიული მისამართები და რეკვიზიტები

შემსყიდველი:

მიმწოდებელი:

სსიპ გამოცდების ეროვნული ცენტრი

ქ.თბილისი, მინდელის ქ.№9

ს/კ 202198727

ს.ს. „ბაზის ბანკი“

ბ/კ CBASGE22

ა/ა GE85BS0000000000133560

დირექტორი:

მაია მიმინოშვილი

ფასების ცხრილი

პრეტენდენტის დასახელება -----

გასაწევი მომსახურების დასახელება	შესაძლო მაქსიმალური კაც/ღამეების რაოდენობა	ერთეულის ფასი (ლარი)	საერთო ფასი (ლარი)
ერთადგილიანი ოთახით უზრუნველყოფა (ტრანსპორტირებით და ერთჯერადი კვებით)	92		
ორადგილიანი ოთახით უზრუნველყოფა (ტრანსპორტირებით და ერთჯერადი კვებით)	785		
ჯამი, დღგ-ს ჩათვლით			

ხელმოწერა და ბეჭედი -----

1. რეკვიზიტები

პრეტენდენტის დასახელება:

ხელმძღვანელის სახელი და გვარი:

პრეტენდენტის იურიდიული მისამართი:

პრეტენდენტის ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიშის ნომერი:

რეგისტრაციის ფორმა

მიმწოდებელი	
საიდენტიფიკაციო კოდი	

შემსყიდველი	სსიპ "გამოცდების ეროვნული ცენტრი"
საიდენტიფიკაციო კოდი	202198727

[illegible]

(ხელმოწერა, ბ.ა)